 broadlawns MEDICAL CENTER DES MOINES, IOWA	Lub Chaw Ua Hauj Lwm-Phau Ntawv Qhia Dav: Ntsig Txog Txoj Cai
	Hnub Pib: 11/1996 Nab Npawb: A-1006 Kev Saib Xyuas/Kho Dua Tshiab Zaum Tag Los: 06/2019 Phab ntawv 1
NCAUJ LUS:	Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuj

I. TXOJ CAI

Broadlawns Medical Center yuav muab nyiaj pab kuaj mob thiab nqi tshuaj rau cov neeg uas tsis txawm peev nyiaj txiag thiab cov uas tsim nyog muaj cai raug pab los sis cov uas ntsib ib qho kev puas tsuaj tsis muaj nyiaj siv vim tsis raug lees pab raws li txoj cai no.

Siv txoj cai no raws li “Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuj,” thiab raug siv raws li nram qab no:

II. LUB HOM PHIAJ

Txoj cai no tsim kom muaj lub hauv paus rau Broadlawns Medical Center:

- (1) Kev txheeb xyuas cov neeg mob uas muaj cai rau qhov kev pab nyiaj txiag.
- (2) Muab nyiaj pab rau cov neeg mob nyob hauv lub zos xwb.
- (3) Yuav saib xyuas qhov muaj kev pab nyiaj txiag kom mus raws li Txoj Cai ntawm Iowa thiab txoj cai ntawm Broadlawns Community Care Qhov Kev Pab Txhawb thiab cov txheej txheem nqis tes ua rau Broadlawns Medical Center.
- (4) Yuav ua kom mus raws li Txoj Cai Khwv Nyiaj Tau Los Sab Hauv Tshooj 501(r) thiab tuav tswj lub chaw ua hauj lwm cov nqi se kom raug zam, Broadlawns Medical Center tau coj txoj cai no los siv thiab yuav muab nws tshaj tawm thoob plaws, muab cov ntsiab lus qhia, thiab muab sau ua ntau hom lus. Ntxiv rau qhov no, lub chaw ua hauj lwm yuav muab cov npe kws kuaj mob tshaj tawm rau hauv nws lub website kom mus raws li txoj cai no.

Broadlawns Medical Center yeej kam lees ib tug neeg mob uas tsim nyog muaj cai raug pab raws li Broadlawns Community Care Qhov Kev Pab Txhawb rau tus neeg uas tsim nyog muaj raug pab raws li txoj cai hauv qab no.

III. COV NTSIAB LUS

A. Chaw nyob: Broadlawns Medical Center yuav tsum kom ib tug neeg nyob hauv lub zos yog neeg Xam Xaj Mes Kas los sis yog neeg txawv teb chaws uas muaj ntaub ntawv nyob raug cai tau ywj pheej hauv Lub Xeev Iowa rau hauv Lub Nroog uas muaj npe hais los no. Ib tug neeg uas tsis nyob hauv Lub Nroog Polk rau ib lub sij hawm tshwj xeeb ua ntej yuav ceeb toom txog qhov chaw nyob.


B. Yuav Sau Daim Ntawv Nqi Kuaj Mob mus rau Cov Neeg Uas Muaj Is Saws Las (AGB): Tau siv lub tswv yim xam nram qab no los xam Cov Nqi Kuaj Mob rau Cov Neeg Uas Muaj Is Saws Las.

$AGB \% = (\text{Tag nrho Cov Nyiaj Tso Cai los ntawm Medicare Yog Tus Them} + \text{Tag nrho Cov Nyiaj Tso Cai los ntawm tus kheej cov nyiaj is saws las pov hwm kev noj qab haus huv them} + \text{Tag nrho Cov Nyiaj Tso Cai los ntawm Medicaid yog tus them rau hauv lub sij hawm 12 lub hlis}) / (\text{Tag nrho Cov Nqi them rau tib co ntawv thov them nqi}).$

$AGB = (\text{Tag Nrho Cov Nqi them rau kis Tsim Nyog Raug Kho Mob los sis kis Kho Mob Xwm Txheej Ceev}) \times AGB\%.$

Qhov AGB% yuav raug xam thiab kho dua tshiab ib xyoos ib zaug raws li hais tseg rau hauv Cov Ntaub Ntawv Muab Tso Nrog Ua Ke A ntawm txoj cai no.

C. Kev Tsim Nyog Raug Kho Mob: Yam kev tshuaj xyuas thiab kho mob uas mus raws li tus neeg mob qhov muaj mob, yuav tsum raug saib xyuas raws li cov qauv kho mob, yuav tsum kho mob raws li tus neeg mob qhov xav tau thiab ua kom muaj kev yooj yimm rau tus neeg mob los sis tus neeg mob tus kws kuaj mob los sis tus kws zov mob, thiab ua rau tus neeg mob raug saib xyuas mob raws li qhov nws them taus.

 broadlawns MEDICAL CENTER DES MOINES, IOWA	Lub Chaw Ua Hauj Lwm-Phau Ntawv Qhia Dav:	Ntsig Txog Txoj Cai	
	Hnub Pib:	11/1996	Nab Npawb: A-1006
	Kev Saib Xyuas/Kho Dua Tshiab Zaum Tag Los:	06/2019	Phab ntawv 2
NCAUJ LUS:	Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuj		

D. Kev Saib Xyuas Mob Xwm Txheej Ceev: Raws li sau tseg rau hauv Txoj Cai Kev Kho Mob Xwm Txheej Ceev thiab Kev Siv Dag Zog (Emergency Medical Treatment and Labor Act-EMTALA), ib qho muaj mob uas tshwm sim ua tus mob loj, yog tsis mob siab kho kiag tam sim ntawd tuaj yeem ua rau Tus Neeg Mob muaj mob loj txaus ntshai, ua rau lub cev tsis taus, los sis ua rau tej khoom hauv nruab nrog cev ua hauj lwm tsis tau. Qhov no kuj suav txog tus poj niam cev xeeb me nyuam uas ua rau lub cev nruj.

IV. TXHEEJ TXHEEM PAB

A. Kev tsim nyog muaj cai raug pab rau qhov Kev Pab Nyiaj Txiag

Muaj kev pab nyiaj txiag rau kis Tsim Nyog Raug Kho Mob thiab kis Kho Mob Xwm Txheej Ceev rau cov neeg mob uas tsim nyog muaj cai raug pab rau ntawm Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuj.

B. Kev Pom Zoo Tso Cai Cov Txheej Txheem Pab:

Broadlawns Medical Center yuav pom zoo tso cai rau daim ntawv thov kev pab nyiaj txiag (“Daim Ntawv Foos Pom Zoo Tso Cai”) rau txhua tus neeg mob uas tsim nyog muaj cai raug pab raws li Broadlawns Community Care Qhov Kev Pab Txhawb. Daim Ntawv Foos Pom Zoo Tso Cai no yog cov ntaub ntawv raug siv tshuaj xyuas raws li txoj cai thiab txheej txheem kev pom zoo tso cai muab nyiaj pab los ntawm Broadlawns Medical Center raws li Broadlawns Community Care Qhov Kev Pab Txhawb.

C. Kev Txiav Txim Txog Cov Nyiaj Khwv Tau Los

Yuav muab tag nrho cov nyiaj khwv tau los coj los txiav txim rau qhov tsim nyog muaj cai raug pab. Kev xam tag nrho cov nyiaj khwv tau los yuav tsum ua kom mus raws li txoj cai ntawm Lub Xeev Iowa qhov kev pab ntawm Medicaid. Cov nyiaj khwv tau los ntawm txhua tus tswv cuab hauv tsev neeg thiab cov neeg uas muaj feem saib xyuas raug cai uas tsis nyob hauv tsev neeg los yuav raug muab coj los xam rau hauv qhov txiav txim txog them nyiaj khwv tau los.

Cov nyiaj khwv tau los no muaj xws li hais los no, tab sis kuj tsis yog tas li no xwb xws lli, cov nqi dag zog thiab nyiaj hli, cov nyiaj xiam oob qhab, cov nyiaj so laus los sis cov nyiaj soj hauj lwm, cov nyiaj xauj tsev, cov nyiaj pab roj tsheb thiab roj cua, cov nyiaj pab rau kis tsis muaj hauj lwm ua, cov nyiaj VA, cov nyiaj them tu me nyuam, cov nyiaj them tu tus poj niam uas muab nrauj lawm, cov nyiaj paj, cov nyiaj paj uas raug muab sib faib, cov nyiaj them los ntawm qhov chaw ua hauj lwm, cov khoom uas muab pab txhawb, thiab lwm yam.

Cov khoom muab pab txhawb yog tej khoom ub no/cov nyiaj uas raug muab pub rau yam tsis sab laj txog dab tsi li. Tej yam khoom muaj nqi yuav raug muab coj los xyaws nrog cov khoom ub no/cov nyiaj raws li txhua feem yuav raug coj los xam.


Cov nyiaj pab yuav khoom noj (Food stamps) yuav tsis raug muab coj los xam nrog ua cov nyiaj khwv tau los rau kis txiav txim txog qhov tsim nyog muaj cai raug pab.

Tag nrho cov nyiaj khwv tau los sib xyaws ua ke ntawm cov neeg thov tau qis dua los sis npaum li them txwv ntawm cov nyiaj khwv tau los thiab li yuav tsim nyog muaj cai rau Broadlawns Community Care Qhov Kev Pab Txhawb.

Kev Xam Cov Nyiaj Khwv Tau Los: Rau cov neeg loj, nqe lus “Tag Nrho Cov Nyiaj Khwv Tau Los Hauv Ib Lub Xyoos” uas sau rau ntawm Daim Ntawv Thov Kev Pab yog tag nrho cov nyiaj khwv tau los hauv ib lub xyoos (“Cov nyiaj khwv tau los”) ntawm ib tug neeg mob thiab nws tus txij nkawm. Yog tus neeg mob yog ib tug me nyuam yaus, nqe lus “Tag Nrho Cov Nyiaj Khwv Tau Los Hauv Ib Lub Xyoos” uas sau rau ntawm Daim Ntawv Thov Kev Pab yog cov nyiaj khwv tau los ntawm tus neeg mob, tus neeg mob niam thiab tus neeg mob txiv.

D. Daim Ntawv Teev Cov Nyiaj Khwv Tau Los Uas Raug Txwv

Broadlawns Medical Center yuav txheeb xyuas txhua tus neeg mob cov nyiaj khwv tau los, nws raug xam raws li txoj cai ntawm Broadlawns Qhov Kev Thov Kev Pab yog tau tsawg dua los sis npaum li 400% ntawm cov qauv them neeg txom nyem uas raug kho dua tshiab txhua xyoo rau hauv Tsoom Fwv Feem Tso Npe los ntawm Tsoom Fwv Mes Kas Lub Tsev Hauj Lwm Saib Xyuas Kev Noj Qab Haus Huv thiab Tib Neeg (“Tsoom Fwv Cov Qauv Them Neeg Txom Nyem”) raws li qhov tsim nyog muaj cai raug pab rau hauv Broadlawns Community Care Qhov Kev Pab Txhawb, yuav tsum raug raws li cov qauv cai nyob hauv txoj cai no.

 broadlawns MEDICAL CENTER DES MOINES, IOWA	Lub Chaw Ua Hauj Lwm-Phau Ntawv Qhia Dav: Ntsig Txog Txoj Cai
	Hnub Pib: 11/1996 Nab Npawb: A-1006
	Kev Saib Xyuas/Kho Dua Tshiab Zaum Tag Los: 06/2019 Phab ntawv 3
NCAUJ LUS:	Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuj

Kev Pab Saib Xyuas Pub Dawb Tag Nrho (Full Charity Care) raug muab pab rau cov neeg mob tsim nyog raug pab uas muaj thiab tsis muaj is saws las uas khwv nyiaj tau txog 300% los sis tsawg dua ntawm Tsoom Fwv Cov Qauv Theem Nyiaj Khwv Tau Ntawm Neeg Txom Nyem.

Rau cov neeg mob tsim nyog raug pab uas muaj los sis tsis muaj is saws las uas khwv nyiaj tau thaj tsam 301% mus txog 400% ntawm Tsoom Fwv Cov Qauv Theem Nyiaj Khwv Tau Los Ntawm Neeg Txom Nyem, yuav pab txo cov nqi rau tus neeg mob them, tom qab muab lov feem pua raug txo rau ntawm tus neeg mob cov nyiaj khwv tau los raws li sau qhia rau hauv daim ntawv nram qab no:

Tus nqi raug txo %	Tsoom Fwv Cov Qauv Theem Nyiaj Khwv Tau Los Ntawm Neeg Txom Nyem Tam Sim No rau Qhov Ntau Tsawg Ntawm Tsev Neeg
100%	Tsev Neeg Cov Nyiaj Khwv Tau Los tau tsawg dua los sis Npaum Li 300% yog FPIG
AGB Xwb	Tsev neeg cov nyiaj khwv tau los yog 301% mus txog 400% ntawm FPIG

Cov neeg mob muaj is saws las uas khwv tau nyiaj thaj tsam 133% mus txog 400% ntawm Tsoom Fwv Cov Qauv Theem Nyiaj Khwv Tau Los Ntawm Neeg Txom Nyem thiab tsis tau tso npe rau hauv Iowa Lub Chaw Muag Is Saws Las (Iowa Market Place Insurance Exchange) ua ntej tag hnub tso npe yuav tsim nyog muaj cai raug pab raws li txoj cai no, tab sis yuav tsum tau tso npe raws li cov sij hawm tso npe nram qab no. Yog tsis tau tso npe rau thaum lub sij hawm tso npe nram qab no yuav ua rau tsis muaj cai raug pab. Cov neeg uas poob kev pov thaiv them nqi vim tsis them cov nqi is saws las rau hauv Iowa Lub Chaw Muag Is Saws Las yeej tsis tsim nyog muaj cai rau qhov kev pab no.

Txoj cai no raug siv rau feem nqi ntawm tus neeg mob yuav tau them. Yog tsis raug txo tus nqi raws li txoj cai A-1015 Tus Kheej them Cov Nqi Txo rau Qhov Them Kiag Tam Sim.

BMC yuav zam los sis txo cov nqi is saws las ntawm Medicare thiab Medicaid raws li qhov xav tau nyiaj txiag xwb yog raug raws li cov cai nram qab no:

- Tus nqi raug zam los sis raug txo nqi yeej tsis raug muab tshaj tawm. (Nws yog ib qho kev qhia zoo rau cov neeg mob rau ntawm ib tug neeg twg uas kev zam them cov nqi sib pab them los sis cov nqi yus yuav tau them rau kis yuav muaj feem tau nyiaj pab thiab tus neeg mob yuav thov cov nyiaj pab rau thaum lub sij hawm no los sis kiag tam sim ua ntej yuav raug kho mob.)
- Yuav tsis nquag txo tus nqi pub rau sawd daws, tab sis tsuas txo rau cov neeg mob uas xav tau nyiaj thiab xav thov nyiaj pab nkaus xwb.


Cov Neeg Mob muaj is saws las uas raug raws li cov qauv cai kev pab nyiaj txiag, yuav tau them feem nqi uas lawv yuav tsum tau them rau cov nqi sib koom ntau lub is saws las los sis cov nqi raug txo uas yus yuav tau them raws li txoj cai no.

Rau tus neeg mob uas tsis tsim nyog muaj cai rau cov nyiaj pab hauv Broadlawns Community Care Qhov Kev Pab Txhawb yuav tsim nyog raug pab rau hauv Broadlawns Qhov Kev Pab Nyiaj Txiag Rau Kis Muaj Kev Puas Tsuj, yuav tsum raug raws li cov qauv cai nyob hauv txoj cai no.

E. Kev Txheeb Xyuas Qhov Tseeb Ntawm Cov Nyiaj Khwv Tau Los:

Broadlawns Medical Center yuav thov kom tus neeg mob muab cov ntaub ntawv txheeb xyuas qhov tseeb ntawm cov nyiaj khwv tau los qhia rau lawv.

- Cov Ntaub Ntawv Txheeb Xyuas Qhov Tseeb Ntawm Cov Nyiaj Khwv Tau Los:** Cov nyiaj khwv tau los yuav sib txawv raws li tej kis nram qab no: IRS Daim Ntawv Foos W-2, Cov Ntaub Ntawv Hais Txog Nqi Dag Zog thiab Cov Nyiaj Khwv Tau; Cov Tw Nyiaj Tshv; Cov Nqi Se Tau Rov Qab Los; Cov Nyiaj Xaus Xaus (Social Security), Cov Nyiaj Them Los Ntawm Lub Chaw Ua Hauj Lwm, los sis Cov Ntaub Ntawv Txiax Txim Txog Cov Nyiaj Them Rau Kis Tsis Muaj Hauj Lwm Ua; hu xov toj mus nug tus tswv num ntawm tus neeg mob mus txheeb xyuas qhov tseeb ntawm tag nrho cov nyiaj khwv tau los hauv ib lub xyoos puag ncig; los sis cov ntaub ntawv hauv tuam txhab nyiaj. Yog tus neeg mob tsis tau muab cov ntaub ntawv no qhia, Broadlawns Medical Center yuav sau ib tsab ntawv thov cov ntaub ntawv no xa tuaj rau tus neeg mob.
- Tsis Muaj Cov Ntaub Ntawv:** Hauv kis uas tus neeg mob tsis tuaj yeem nrhiav tau cov ntaub ntawv txheeb xyuas qhov tseeb txog cov nyiaj khwv tau los, Broadlawns Medical Center yuav txheeb xyuas qhov tseeb ntawm tus neeg mob Cov Nyiaj Khwv Tau Los raws li nram no (i) hais kom tus neeg mob kos npe rau daim ntawv ua pov thawj txog qhov muaj tseeb ntawm Cov Ntaub Ntawv Nyiaj Khwv Tau Los uas raug muab rau thiab/los sis hais kom lwm

 broadlawns <small>MEDICAL CENTER</small> DES MOINES, IOWA	Lub Chaw Ua Hauj Lwm-Phau Ntawv Qhia Dav:	Ntsig Txog Txoj Cai	
	Hnub Pib:	11/1996	Nab Npawb: A-1006
	Kev Saib Xyuas/Kho Dua Tshiab Zaum Tag Los:	06/2019	Phab ntawv 4
NCAUJ LUS:	Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuj		

tus neeg sab nrauv ntawm Broadlawns Medical Center muab kev txheeb xyuas qhov tseeb los ntawm ib Tug Thawj Coj ntawm lub chaw muab kev tso cai, los sis (ii) sau daim ntawv ua pov thawj ntawm Broadlawns Medical Center uas hais txog Kev Pab Nyiaj Txiag rau tus kheej tias tus neeg mob yeej hais tseeb txog kev xam Cov Nyiaj Khwv Tau Los rau Broadlawns Medical Center lawm. Haus kis uas tus neeg mob tsis tuaj yeem muab tau cov ntaub ntawv thov los ua pov thawj txog Cov Nyiaj Khwv Tau Los, Broadlawns Medical Center yuav tsum hais kom tus neeg mob piav qhia seb yog vim li cas tus neeg mob thiaj muab tsis tau cov ntaub ntawv thov no.

- iii. **Kev Faib Txheeb Xyuas Qhov Tseeb Ntawm Cov Nyiaj Khwv Tau Los Uas Tseem Tsis Raug Ua:** Thaum lub sij hawm txheeb xyuas qhov tseeb, Broadlawns Medical Center yuav muab cov ntaub ntawv tseem ceeb los xam txog tus neeg mob cov nyiaj khwv tau los thiab saib xyuas lwm cov qauv cai tsim nyog rau pab, lawv yuav ceev zoo txog tus neeg mob cov ntaub ntawv no kom mus raws li cov cai ntawm Broadlawns Medical Center.

F. Ntsig Txog Yam Ua Pov Thawj Rau Qhov Tsim Nyog Raug Pab

Cov neeg mob uas raug raws li cov qauv ua pov thawj rau qhov tsim nyog raug pab hauv tshooj ntawv no yuav raug pab nyiaj kiag yam tsis tas yuav sau daim ntawv thov kev pab nyiaj txiag. Yuav tsum tau cov ntaub ntawv pab txhawb txog qhov muaj cai raug pab ntawm tus neeg mob los sis kev mus koom qhov kev pab txhawb uas muaj npe hauv qab no thiab muab nws khaws cia rau lub plhaub rau ntaub ntawv.

- i. Tej zaum yuav txiaj txim txog qhov muaj cai tau txais cov nyiaj pab ntawm ib tug neeg raws li qhov pom kiag hauv lub neej xws li:
 - a. Muaj cai tau txais Food Stamp
 - b. Kev mus koom cov kev pab Cov Poj Niam, Cov Me Nyuam Mos thiab Cov Me Nyuam Yaus (Women, Infants thiab Children-WIC)
 - c. Kev pab pluas su rau hauv tsev kawm ntawv
 - d. Kev muaj cai raug pab rau cov kev pab ntawm lwm lub xeev los sis lwm cheeb tсам
 - e. Cov neeg tsis muaj tsev nyob los sis cov neeg uas raug saib xyuas los ntawm ib lub chaw nkaum rau cov neeg tsis muaj tsev nyob los sis ib lub chaw kuaj mob pub dawb
 - f. Tus neeg mob tag sim neej uas tsis paub tias puas muaj vaj tse

G. Kev Pab Txhawb Rau Cov Neeg Ua Hauj Lwm

Feem Pab Tswv Yim Txog Fab Nyiaj Txiag yuav saib xyuas Broadlawns Community Care Qhov Kev Pab Txhawb. Tus Thawj Saib Xyuas Hauj Lwm yuav ntiav cov neeg paub ua hauj lwm los tuav Qhov Kev Pab Txhawb no. Tus Thawj Saib Xyuas Hauj Lwm yuav saib xyuas kom txhua tus neeg ua hauj lwm rau hauv nws feem tuav tswj yog cov muaj rab peev xwm thiab muaj kev paub txog txhua yam tseem ceeb ntsig txog ntawm Broadlawns Community Care Qhov Kev Pab Txhawb thiab cov kev pab txhawb uas raug muab los ntawm lwm Lub Xeev thiab cov chaw ua hauj lwm ntawm Tsoom Fwv uas muab kev kho mob thiab kuaj mob rau hauv tsev kho mob rau cov neeg muaj cai raug pab.

Rau ib lub sij hawm tsawg kawg yog xya (7) xyoo suav txij hnub tus neeg mob sau daim ntawv thov mus, Broadlawns Medical Center yuav tuav tswj cov ntaub ntawv uas siv txheeb xyuas qhov tseeb txog kev tsim nyog raug pab ntawm txhua tus neeg mob rau ntawm Broadlawns Community Care Qhov Kev pab, tus neeg mob cov nyiaj khwv tau los, lub tswv yim raug siv los txheeb xyuas tus neeg mob cov nyiaj khwv tau los thiab tus neeg muab kev tso cai pab nyiaj rau tus neeg mob raws li qhov muaj cai pab ntawm Broadlawns Community Care Qhov Kev Pab Txhawb.

H. Tsis Muaj Kev Ntxub Ntxaug


Cov neeg ua hauj lwm yuav tsum lees thiab tshuaj xyuas txhua daim ntawv thov kev pab ntawm cov neeg nyob hauv Lub Nroog Polk. Yuav tsis pub muaj kev ntxub ntxaug txog qhov tsim nyog raug pab los sis ntxub ntxaug txog muab kev saib xyuas mob nkeeg raws li hais tseg rau hauv cov cai no yeeb vim yog los ntawm ib haiv neeg, cev nqaij tsos xim, kev ntseeg xaj xab nam, kev ntseeg, txiv neej los yog poj niam, hnub nyoog, neeg xiam oob qhab los sis neeg keeb kwm hauv lub teb chaws.

I. Cov Chaw Kho Mob

Tsuas muab cov txiaj ntsig rau qhov **kev pab txhawb no** rau hauv Broadlawns Medical Center xwb; kev them nqi rau lwm cov chaw kho mob, cov tsev kho mob, cov chaw muag tshuaj, los sis cov kws kuaj mob yog **raug txwv**, tshwj tsis yog muaj qhov tso cai ua tau nyob rau lwm tshooj ntawm txoj cai no.

J. Cov Txiaj Ntsig Zoo Sib Xws/Feem Neeg Thib Peb

Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuj tsuas siv ua yam kawg xwb; ib thiab txhua lwm yam kev pab them nqi yog feem yuav raug siv xub thawj rau qhov kev pab txhawb no. Ib tug neeg thov yuav tsis tsim nyog raug pab rau cov nyiaj pab thaum raug ncuu los sis tsis muaj cair raug pab los ntawm lwm feem neeg thib peb vim yog dag noj dag haus los sis ua phem tsis zoo.

 broadlawns <small>MEDICAL CENTER</small> DES MOINES, IOWA	Lub Chaw Ua Hauj Lwm-Phau Ntawv Qhia Dav:	Ntsig Txog Txoj Cai	
	Hnub Pib:	11/1996	Nab Npawb: A-1006
	Kev Saib Xyuas/Kho Dua Tshiab Zaum Tag Los:	06/2019	Phab ntawv 5
NCAUJ LUS:	Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuaj		

K. Muaj is saws las/tsis muaj is saws las

Cov neeg mob nyob hauv Lub Nroog Polk uas muaj Medicaid los sis ib Lub Chaw Tswj Xyuas Medicaid yog thawj feem kev pab nyiaj los sis tsis muaj is saws las yuav raug pab rau ntawm Broadlawns Community Care Qhov Kev Pab Txhawb. Cov neeg mob uas muaj is saws las lawm raug txiav txim txog qhov txom nyem raws li txoj qauv cai ntawm Lub Xeev Iowa cov nyiaj khwv tau los thiab nyiaj txiag ub no.

L. Kev Thov/Kev Ceeb Toom

Kev thov rau cov txiaj ntsig hauv lub tsev kho mob raws li Qhov Kev Pab Txhawb no yuav raug lees rau thaum lub sij hawm ua hauj lwm hauv Lub Tsev Hauj Lwm Pab Tswv Yim Fab Nyiaj Txiag rau ntawm Broadlawns Medical Center.

Yuav siv cov cai thiab cov txheej txheem pab los txiav txim txog qhov tsim nyog raug pab. Yuav sau tsab ntawv ceeb toom txog qhov raug pab los sis tsis kam lees pab tuaj rau tus neeg thov. Cov ntaub ntawv ceeb toom txog qhov tsis kam lees pab yeej yuav tsum sau cov laj thawj uas tsis tsim nyog raug pab tso nrog ua ke tuaj.

Broadlawns Medical Center yuav thov kom txhua tus neeg mob uas tab tom thov Broadlawns Community Care Qhov Kev Pab Txhawb los sis Kev Pab Nyiaj Txiag Rau Kis Muaj Kev Puas Tsuaj yuav tsum sau daim ntawv thov (“Broadlawns Daim Ntawv Thov Kev Pab”) kom tiav. Qhov kev thov kev pab no tso cai cia muab cov ntaub ntawv kom mus raws li Txoj Cai ntawm Iowa thiab kev siv cov ntaub ntawv coj los txiav txim txog qhov tsim nyog raug pab raws li txoj cai ntawm lwm cov kev pab txhawb ntawm Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuaj. Yog tus neeg mob tsis raug raws li cov qauv cai tsim nyog raug pab, yuav tsis muab tus neeg mob no coj txheeb xyuas txog qhov tsim nyog raug pab rau hauv qhov kev pab txhawb no.

M. Kev Thov Kom Rov Qab Txiav Txim Dua

Yog tsis kam lees muab nyiaj pab rau tus neeg thov rau hauv Broadlawns Community Care Qhov Kev Pab Txhawb, nws muaj cai thov hais kom rov qab txiav txim dua xa mus rau Tus Thawj Saib Xyuas Hauj Lwm ntawm Feem Pab Tswv Yim Txog Fab Nyiaj Txiag. Tus neeg thov yuav tsum sau daim ntawv thov hais kom rov qab txiav txim xa mus rau Tus Thawj Saib Xyuas Hauj Lwm ntawm Feem Pab Tswv Yim Txog Fab Nyiaj Txiag rau hauv lub sij hawm 10 hnub, suav txij hnub raug tsis kam lees pab mus.

N. Tsis Muab Kev Koom Tes

Tus neeg thov yuav tsum lav muab txhua yam ntaub ntawv tseem ceeb qhia raws li txoj cai no hais tseg thiab raws li tus kws pab tswv yim qhia rau hauv lub sij hawm 30 hnub, txij hnub sau daim ntawv thov no; kev tsis kam muab cov ntaub ntawv thov xa mus raws li lub sij hawm thov yuav ua rau daim ntawv thov raug ua tsis tiav thiab yuav ua rau raug tsis kam lees txais.


Tus neeg thov uas tsis kam koom tes raws li txheej txheem ua, rau ntawm txhua cov ntaub ntawv thov kev pab rau lwm tsoom fwv, lub xeev, lub nroog, los sis lwm cov kev pab txhawb uas nws tsim nyog yuav raug pab thiab raug muab tso xub thawj pab rau ntawm Qhov Kev Pab Txhawb yuav raug ua rau tsis kam lees pab.

Kev qhia txog tej yam tsis muaj tseeb los ntawm tus neeg thov kom nws tsim nyog raug pab rau Qhov Kev Pab Txhawb no yuav ua rau raug tsis kam lees pab, suav txog qhov tsis kam lees pab rau txhua feem raug pov thaiv them nqi yav dhau los.

Kev kev cov ntaub ntawv cuav yuav ua rau raug tsis kam lees pab rau ntawm qhov kev pab txhawb no. Yog, ib tug neeg mob raug pom zoo rau Broadlawns Community Care Qhov Kev Pab Txhawb lawm thiab tom qab ntawd Broadlawns Medical Center tshawb nrhiav pom tias raug muab cov ntaub ntawv tsis muaj tseeb sau rau daim ntawv thov kev pab, daim ntawv thov kev pab nyiaj txiag no yuav raug muab tshem tawm raws li txoj cai rau yav dhau los thiab/los sis rau tam sim no.

O. Lub Sij Hawm Tsim Nyog Muaj Cai Raug Pab

Kev pom zoo tso cai muab nyiaj pab rau Qhov Kev Pab Txhawb no yuav tshaj kaum ob lub hlis. Cov sij hawm uas yuav raug pab nyiaj rau yog saib raws li feem nyiaj txiag thiab kis muaj mob ntawm tus neeg thov. Yeej muaj kev pab nyiaj txuas mus ntxiv yog raug raws li cov cai ntawm qhov tsim nyog raug pab. Yog muaj kev txawv txav hauv cov nyiaj khwv tau los rau thaum lub sij hawm tsim nyog muaj cai raug pab, qhov kev pab txhawb no muaj cai hais kom rov qab tshuaj ntsuam xyuas dua rau tus neeg raug txais kev pab ntawd. Ntxiv rau qhov no, qhov kev pab txhawb no muaj cai hais kom rov qab tshuaj ntsuam xyuas dua rau tus neeg raug txais kev pab thaum yuav tsum tau mus kho tsis pws kho hauv tsev kho mob txhawm rau txiav txim txog lwm feem kev pab txhawb rau tus neeg no.

 broadlawns <small>MEDICAL CENTER</small> DES MOINES, IOWA	Lub Chaw Ua Hauj Lwm-Phau Ntawv Qhia Dav: Ntsig Txog Txoj Cai
	Hnub Pib: 11/1996 Nab Npawb: A-1006 Kev Saib Xyuas/Kho Dua Tshiab Zaum Tag Los: 06/2019 Phab ntawv 6
NCAUJ LUS:	Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuj

P. Broadlawns Medical Center Feem Kuaj Ntsuas Qhov Muag/tsom iav Qhov Muag

Broadlawns Medical Center yuav pab nyiaj them cov tsom iav qhov muag rau cov neeg uas tsis txawm peem nyiaj txiag thiab cov neeg uas raug raws li cov qauv cai pab los ntawm Broadlawns Community Care Qhov Kev Pab Txhawb... (Qhov no suav txog ib tug neeg uas tsis raug raws li cov qauv cai raug pab ntawm Lub Nroog Polk.)

Q. Cov Neeg Thov Uas Tsim Nyog Muaj Cai Raug Pab

Tsuas yog cov neeg nyob hauv Lub Nroog Polk uas raug raws li cov qauv cai ntawm cov nyiaj khwv tau los, tej khoom muaj nqi, chaw nyob thiab lub chaw kuaj mob uas raug tshuaj xyuas los ntawm Pawg Tuav Tswj Hauv Tsev Kho Mob yuav tsim nyog muaj cai rau cov nyiaj pab hauv Broadlawns Community Care Qhov Kev Pab Txhawb.

Yuav tsum xam cov tswv cuab hauv tsev neeg kias tam sim ntawd. Cov neeg mob uas tab tom thov kev pab rau hauv qhov kev pab txhawb no yuav tsum qhia qhov tseeb seb muaj puas tsawg leej nug nyob hauv tus neeg mob lub tsev.

Kev xam cov tswv cuab hauv tsev neeg rau cov neeg loj uas tsim nyog raug pab yuav tsum siv raws li cov qauv cai ntawm Lub Xeev Iowa qhov Medicaid. Broadlawns Medical Center yuav suav txog tus neeg mob, tus neeg tus txij nkawm thiab txhua tus me nyuam raug raws cai.

Kev xam cov tswv cuab hauv tsev neeg rau cov me nyuam yaus uas tsim nyog raug pab yuav tsum siv raws li cov qauv cai ntawm Lub Xeev Iowa qhov Medicaid. Broadlawns Medical Center yuav suav txog tus neeg mob, tus neeg mob niam thiab txhua tus me nyuam raug raws cai ntawm tus neeg mob niam, thiab tus neeg mob txiv thiab txhua tus me nyuam ntawm tus neeg mob txiv.

Cov neeg mob uas muaj lub sij hawm tag tsis muaj tsev nyob yuav raug xam tias tsis muaj nyiaj khwv tau los siv rau hauv Broadlawns Medical Center qhov kev xam cov nyiaj khwv tau los. Tsis yuav siv Cov Ntaub Ntawv ntawm Cov Nyiaj Khwv Tau Los rau cov neeg mob uas muaj lub sij hawm tag tsis muaj tsev nyob.

Ib tug tswv cuab hauv tsev neeg yuav tsum tau thov lwm cov nyiaj pab tam rau ntawm tus neeg mob uas muaj lub sij hawm tag ua ntej yuav tsim nyog muaj cai raug pab rau ntawm Broadlawns Community Care Qhov Kev Pab Txhawb.

Thaum tshuaj xyuas qhov tseeb hauv kis uas tus neeg thov xav tau daim ntawv sau yuav tshuaj, yuav qhia feem kev yuav tshuaj rau tus neeg mob xws li Kev Pab Thuaj Pais (General Assistance) rau ntawm Lub Tsev Hauj Lwm Saib Xyuas Tsev Neeg thiab Cov Hluas Hauv Lub Zos (Department of Community Family & Youth). Cov neeg qhua yuav muaj cai raug pab tsawg ntev txog 15 hnub kias thaum pib xa daim ntawv thov mus.

Txhua tus neeg thov uas muaj hnub nyoog qis dua 19 xyoo yuav tsum thov rau Txoj Cai XIX (Title XIX) los sis thov rau qhov kev pab rau Cov Me Nyuam Yaus Noj Qab Haus Huv thiab Noj Qab Nyob Zoo (Healthy and Well Kids) ntawm Iowa (Hawk-I) thiab li tsim nyog muaj cai raug pab rau hauv Broadlawns Community Care Qhov Kev Pab Txhawb. Kev tsis kam lees them nqi is saws las nkag rau Hawk-I qhov kev pab txhawb yuav tsis muaj cai raug pab rau hauv Broadlawns Community Care Qhov Kev Pab.

Tus Neeg Thov yuav tsum hais qhia txog ib yam thiab txhua yam txawv txav rau hauv tsev neeg cov nyiaj khwv tau los thiab cov is saws las rau hauv lub sij hawm tsis pub dhau 10 hnub

R. Chaw nyob


Cov neeg uas raug raws li tus qauv cai muaj chaw nyob rau hauv Lub Nroog Polk raws li sau tseg rau hauv txoj cai no yeej tsim nyog muaj cai raug pab rau cov nyiaj pab no.

S. Cov Ntaub Ntawv

Broadlawns Medical Center yuav ua raws li txoj cai Muab Kev Pab Txhawb ntawm Lub Xeev Iowa qhov Medicaid los txiav txim txog qhov tsis txawm peev nyiaj txiag rau cov tsim nyog rau pab rau hauv Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuj.

T. Broadlawns Qhov Kev Pab Nyiaj Txiag Rau Kis Muaj Kev Puas Tsuj

Yog tus neeg mob cov nqi tag nrho rau lub sij hawm 90 hnub tshaj 10% ntawm tsev neeg cov nyiaj khwv tau los hauv ib lub xyoos puag ncig, tus neeg mob cov nyiaj seem yuav raug txo 10% ntawm tsev neeg cov nyiaj khwv tau los tag nrho hauv ib lub xyoos puag ncig thiab yuav siv cov nyiaj seem no los them cov nqi rau ntawm BMC Feem Pab Tswv Yim Txog Fab Nyiaj Txiag.

 broadlawns <small>MEDICAL CENTER</small> DES MOINES, IOWA	Lub Chaw Ua Hauj Lwm-Phau Ntawv Qhia Dav: Ntsig Txog Txoj Cai
	Hnub Pib: 11/1996 Nab Npawb: A-1006
	Kev Saib Xyuas/Kho Dua Tshiab Zaum Tag Los: 06/2019 Phab ntawv 7
NCAUJ LUS:	Broadlawns Community Care Qhov Kev Pab Txhawb thiab Kev Pab Nyiaj Txiag Rau Kis Muaj Kev Puas Tsuj

Yog tsev neeg muaj nyiaj siv mus los ntau dua \$10,000 ces tus neeg mob no yuav tsis muaj cai raug pab rau qhov Kev Pab Nyiaj Txiag Rau Kis Muaj Kev Puas Tsuj thiab nws yuav tau them cov nqi seem ntawd.

U. Daim Ntawv Sau Yuav Tshuaj

Broadlawns Community Care Qhov Kev Pab Txhawb yuav muab daim ntawv sau yuav tshuaj rau cov neeg mob uas tsim nyog raug pab raws li feem pub ua tau uas raug sau tseg rau hauv qab no.

1. Cov ntawv sau yuav tshuaj uas tsis tshaj 30 hnub ua ke thiab tsis tag lub sij hawm muaj cai raug pab.
2. Cov tshuaj no yuav tsum muaj nyob rau hauv Broadlawns Community Care Qhov Kev Pab Txhawb cov qauv tshuaj.
3. Ib tug kws kho mob raug tso cai hauv Broadlawns Community Care Qhov Kev Pab Txhawb yuav tsum yog tus sau daim ntawv yuav tshuaj.
4. Tus neeg mob pw kho hauv tsev kho mob/kev ntsias cov neeg mob:
Cov neeg nyob hauv Lub Nroog Polk uas tsis muaj is saws las uas yog cov tos Kev Saib Xyuas Kev Noj Qab Haus Huv thiab Kev Noj Qab Nyob Zoo ntawm Iowa (Iowa Health and Wellness) los sis Iowa Feem Kev Xaiv Hauv Kiab Khw (Iowa Market Place Choice) yuav raug muab tshuaj rau ntev txog 10 hnub
Cov neeg tsis yog nyob hauv Lub Nroog Polk uas tsis muaj is saws las yuav tsum thov zam rau lub tsev muag tshuaj los ntawm Tus Thawj Coj Feem Kho Mob
5. Cov neeg mob uas tsis pw kho hauv tsev kho mob/Lub chaw kho mob uas tseem tos daim ntawv thov Kev Pab Saib Xyuas Hauv Lub Zos (Community Care) yuav tsim nyog muaj cai mus yuav tshuaj tau rau ntawm Broadlawns ntev txog 15 hnub, suav txij hnub sau daim ntawv thov mus.

V. Khoom Siv Kho Mob Kav Ntev (DME)

Tsuas pab them rau hauv qhov kev pab txhawb no xwb rau thaum raug saib xyuas los ntawm ib tug kws kho mob raug cai hauv Broadlawns Medical Center.

W. Cov Kev Saib Xyuas Uas Tsis raug pov thaiv

Broadlawns Medical Center tshwj tseg txoj cai txwv tsis muab kev saib xyuas raws li txoj cai ntawm Broadlawns Community Care Qhov Kev Pab Txhawb.

X. Tsis Cuam Tshuam rau Lwm Lub Tsev Kho Mob Cov Cai

Yuav tsis hloov txoj cai no los sis kho lwm cov cai muab kev pab kom cov neeg thib peb sab nrauv tau los them cov nqi, xa tus neeg mob mus kho rau lwm qhov chaw, los sis kev kho mob kis xwm txheej ceev.

Y. Kev Kho Dua Tshiab

Pawg Tuav Tswj Hauv Tsev Kho Mob yuav tsum pom zoo cia kho kom mus raws li cov qauv cai hauv txoj cai no ua ntej lawv yuav nqis tes siv.

Raug tso cai los ntawm Pawg Tuav Tswj Hauv Tsev Kho Mob rau thaum Lub Rau Hlis 18, 2019.

Jody Jenner, Tus Thawj Tuav Tswj